

2013.1.4- Apple daily 港誕首位遠洋女船長



■陳嘉敏行船九年，曾想放棄飄洋過海嘅生活。馬泉崇攝

都話女人犀利啦，女高級船員陳嘉敏最近考獲遠洋輪船長資格，成為香港首位女船長。行船九年嘅佢話，行船經歷苦樂參半：樂係可以去到天涯海角，苦嘅就係驚濤駭浪下，乜都可以發生，例如曾經見過船員被船頭巨浪打死，亦試過辛苦擺脫海盜追截。最初都有喊過，佢一度想放棄飄洋過海生涯。

海事專才推廣聯盟召集人羅冠斌話呀，過去冇女生行船，近年男女船員比例係男生約佔95%，女生約佔5%。海事訓練學院楊沛強就話喎，10.1國慶撞船事件後，該校仲因應事件推出一日重溫課程，提醒航運業人員有關航海條例、海上意外實例同船上救生安全等。